

SU CORONAVIRUS NOU: SU PRONTUÀRIU ITE FÀGHERE IN CASU DE DUDAS

1. A cale signales tocat de istare atentos?

Frebba e signales comente cussos de s'influèntzia, su tùssiu, su dolore de gula, su respiru curtzu, su dolore a sos mùsculos, s'istrachidùdine sunt totu signales de una possibile infetzione dae su Coronavirus.

2. Ite depo fàghere si apo sa frebba o àteros signales de influèntzia?

Si in sas ùrtimas 14 dies ses istadu a curtzu a persones infetadas dae su COVID-19 o ses istadu in carchi logu in ue b'est su Virus o si as traballadu in carchi ispidale in ue b'aiat malàidos de COVID-19, depes abarrare in domo tua e depes telefonare a su Dutore tou, a su pediatra o a sa guàrdia mèiga.

3. A pustis de cantu tempus depo telefonare a su Dutore?

Deretu. Si pensas de èssere cundidu, telèfona da chi ti abigias de àere problemas a respirare, e ispiega sos signales e sos cuntatos perigulosos.

4. Ite depo fàghere si su Dutore non mi rispondet?

Telèfona a unu de sos nùmeros chi sunt istados fornidos in su giassu internet de su governu www.salute.gov.it/nuovocoronavirus

5. Deo potzo andare a s'ispidale o a su Dutore?

Nono. Si andas a s'ispidale o a s'ambulatòriu de su Dutore sena àere cuncordadu cun su Dutore podes atacare sa maladia a àteras persones.

6. Comente potzo amparare sos parentes mios?

Depes sighire sas règulas detzisas pro s'igiene (sabunarti sas manos cun abba e sabone o impita produtos fatos cun s'ispìritu) e mantene s'ambiente pulidu. Si pensas de èssere impestadu pone ti una mascaredda de dutore, abarra a distàntzia e disinfeta semper sas cosas chi impitades totu.

7. In ue potzo agatare sas informatziones giustas?

Sighi sas indicatziones ispetzìficas chi benint dadas in sos giassos internet ufiziales de sas autoridades locales e de sa Protezione Tzivile.

salute.gov.it/nuovocoronavirus



Ministero della Salute

